



Жұмыспен қамту және әлеуметтік бағдарламалар басқармасының медициналық – әлеуметтік мекемелермен жұмыс бөлімі туралы ЕРЕЖЕ

1. Жалпы ереже

1. Медициналық – әлеуметтік мекемелермен жұмыс бөлімі, Алматы қаласы Жұмыспен қамту және әлеуметтік бағдарламалар басқармасының (бұдан әрі - Басқарма) құрылымдық бөлімі болып табылады.

Бөлім өз жұмысында Қазақстан Республикасының Конституциясын, Қазақстан Республикасының «Әлеуметтік кодексін» «Неке (ерлі-зайыптылық) және отбасы туралы» Қазақстан Республикасының кодексін, Қазақстан Республикасының Әкімшілік рәсімдік-процестік кодекстерін, «Мемлекеттік қызмет туралы», «Сыбайлас жемқорлыққа қарсы күрес туралы», «Құқықтық актілер туралы» Қазақстан Республикасының заңдарын, «Қазақстан Республикасы мемлекеттік қызметшілерінің әдептілік нормаларын және мінез-құлық қағидаларын одан әрі жетілдіру жөніндегі шараларды» бекіту туралы Қазақстан Республикасы Президентінің № 153 Жарлығын, Қазақстан Республикасы Премьер-Министрінің орынбасары - Еңбек және халықты әлеуметтік қорғау министрінің 2023 жылғы 29 маусымдағы № 263 бұйрығымен бекітілген халықты әлеуметтік қорғау саласындағы арнаулы әлеуметтік қызметтер көрсету стандарттарын, Қазақстан Республикасы Премьер-Министрінің орынбасары – Еңбек және халықты әлеуметтік қорғау министрінің 2023 жылғы 22 маусымдағы № 230 бұйрығымен бекітілген, арнаулы әлеуметтік қызметтер көрсететін ұйымдар қызметінің қағидасын, атқаратын қызмет саласын реттейтін, басқа да Қазақстан Республикасының нормативтік-құқықтық актілерін, «Қазақстан-2050» стратегиясы: қалыптасқан мемлекеттің жаңа саяси бағытын басшылыққа алады.

2. Бөлімнің құрылымы, штат саны Қазақстан Республикасының заңнамасында белгіленген тәртіппен басқарманың штат кестесіне сәйкес бекітіледі.

2. Бөлімнің мақсаттары, құқықтары мен міндеттері

3. Мақсат:

1) Басқарма басқару органы болып табылатын бағынысты арнаулы әлеуметтік қызмет көрсететін медициналық-әлеуметтік мекемелер қызметін

үйлестіру және бақылауды жүзеге асыру (бұдан әрі – Ведомстволық бағыныстағы мекемелер);

2) халықты әлеуметтік қорғау саласында арнаулы әлеуметтік қызметтер көрсету стандартын бекіту туралы Қазақстан Республикасы Премьер-Министрінің орынбасары - Еңбек және халықты әлеуметтік қорғау министрінің 2023 жылғы 29 маусымдағы № 263 бұйрығына сәйкес өз қызметін жүзеге асырады (бұдан әрі – арнаулы әлеуметтік қызмет көрсету Стандартты);

3) ведомстволық бағынысты мекемелердің/ұйымдардың халықты әлеуметтік қорғау саласында азаматтарға арнаулы әлеуметтік қызметтер көрсетуін бақылау;

4) Алматы қаласы аудандар әкімдері аппараттарына қарасты жалғызбасты мүгедектер мен қарт адамдарға, мүгедектігі бар балаларға үйде әлеуметтік көмек көрсету бөлімшелерімен арнаулы әлеуметтік қызметтер көрсетуге әдістемелік басшылық етуді жүзеге асыру;

5) арнаулы әлеуметтік қызмет алушыларды әлеуметтік қорғау мәселелері бойынша Қазақстан Республикасының заңдары мен нормативтік құқықтық актілерінің орындалуын камтамасыз ету;

6) үкіметтік емес сектор арқылы жүзеге асатын арнаулы әлеуметтік қызметтер көрсету бойынша бизнес пен әріптестікті дамыту және мемлекеттік әлеуметтік тапсырыстың орындалуын қадағалау.

4. Құқықтары мен міндеттері:

1) Басқармаға ведомстволық бағынысты мекемелерден/ұйымдардан бөлім құзіретіне кіретін сұрақтар бойынша қажетті құжаттарды, акпараттарды, есептерді белгіленген мерзімде талап етуге;

2) арнаулы әлеуметтік қызмет көрсетуді қадағалайды және медициналық-әлеуметтік мекемелердің қызметін үйлестіреді;

3) бөлім құзіретіне кіретін сұрақтар бойынша құжаттардың жобаларын, ұсыныстар әзірлеп, Басқарма басшылығына қарастыруға ұсыну;

4) Басқармаға ведомстволық бағыныстағы мекемелерде, Басқармамен жасалған келісімшартқа сәйкес мемлекеттік әлеуметтік тапсырысты жүзеге асыратын үкіметтік емес ұйымдарды бөлім құзіретіне кіретін мәселелер бойынша тексеру өткізу, тексеру нәтижелері бойынша Бақарма басшылығына анықтамалар, акпараттар дайындау;

5) Басқарма басшысының бұйрығының жобаларын енгізу, олардың орындалуын бақылау;

6) Басқарма басшысының бұйрықтарын және хаттамалық тапсырмаларын орындау;

7) Қазақстан Республикасының Конституциясын, заңнамаларын, қызметтік этика нормаларын сақтау;

8) бөлім қызметіне кіретін заңды және жеке тұлғалардың ауызша, жазбаша өтініштерін белгіленген тәртіпке сәйкес уақтылы қарастыру және олар бойынша қажетті шараларды қолдану;

9) бөлімге жүктелген тапсырмалар мен қызметтерді уактылы және сапалы орындау;

10) тапсырмалар мен қызметтерді орындау үшін қажет бөлімінің құқығы бөлім басшысы мен мамандарының қызметтік нұсқаулықтарына сәйкес жүзеге асырылады.

6. Функциялары:

1) Арнаулы әлеуметтік қызметтер көрсету стандартына сәйкес стационарда, жартылай стационарда, уақытша болуда, үйде күтім жасауда арнаулы әлеуметтік қызметтерді көрсетуге мұқтаж адамдардың құжаттарын қарау;

2) Арнаулы әлеуметтік қызметтер көрсету стандартына сәйкес мұқтаж тұлғаларға арнаулы әлеуметтік қызметтер көрсетуге шешім шығару мен жолдамалар беру;

3) арнаулы әлеуметтік қызметтерді көрсету Стандартына сәйкес арнаулы әлеуметтік қызметтер көрсетуге жіберілген және қабылданған адамдар санының есебін жүргізу;

4) ведомстволық бағынысты мекемелерге бару, ведомстволық бағынысты мекемелерден есептерді жинау және қорытындылау, олардың жұмысын талдауды қорытындылау;

5) Алматы қаласы Коммуналдық инфрақұрылымды дамыту басқармасына тұрғын үйдің санитарлық жағдайы туралы тексеру актісін жасау қажеттілігі жөнінде хат жолдау;

6) арнаулы әлеуметтік қызмет көрсететін мамандардың міндетті және мерзімінен бұрын аттестаттау жүргізуге жәрдемдесу;

7) арнаулы әлеуметтік қызмет алушыларды әлеуметтік қорғау мәселелері бойынша ұсыныстарды басқарма басшылығына және жоғары тұрған ұйымдардың қарауына енгізу.

8) Қазақстан Республикасының қолданыстағы нормативтік құқықтық актілерін жетілдіру жөнінде ұсыныстар енгізу, арнаулы әлеуметтік қызмет алушыларды әлеуметтік қорғау мәселелері бойынша құжаттардың жобаларын әзірлеу;

9) Басқармаға ведомстволық бағынысты мекемелерге, бөлімшелерге жұмыста басшылыққа алу үшін нормативтік-құқықтық актілерді уақытында жеткізу;

10) бөлім құзіретіне жататын мәселелер бойынша семинарлар, дөңгелек үстелдер, кездесулер өткізу;

11) Басқармаға ведомстволық бағынысты мекемелердің/ұйымдардың, ақпараттарын жинақтау, олардың жұмысына талдау жүргізу;

12) арнаулы әлеуметтік қызметтер көрсететін үкіметтік емес ұйымдарға әдістемелік көмек көрсету;

13) көрсетілетін арнаулы әлеуметтік қызметтер сапасының бекітілген Стандарттар талаптарына сәйкестігін тексеру;

14) мұқтаж тұлғаларға арнаулы әлеуметтік қызмет көрсететін ұйымдар желісін кеңейту мақсатында жаңа медициналық-әлеуметтік мекемелердің нысандарын салу бойынша мүдделі мемлекеттік органдармен өзара іс-қимыл жасау;

15) медициналық-әлеуметтік мекемелердің (ұйымдардың) жасына байланысты, еңбек сіңірген жылдары үшін зейнетақы төлемдері мен мүгедектігі бойынша, асыраушысынан айрылу жағдайы бойынша берілетін мемлекеттік әлеуметтік жәрдемақыларды пайдалану қағидаларын сақтауын бақылау;

16) ведомстволық бағынысты мекемелерде ағымдағы жөндеу жүргізу жөніндегі жұмыстарды үйлестіру және Қазақстан Республикасының заңнамасында көзделген өзге де функциялар.

3. Бөлімінің қызметі

7. Бөлім негізгі мақсаттар мен қызметтерді жүзеге асыру үшін заңнамалық актілерге, Қазақстан Республикасы Президенті актілеріне, Қазақстан Республикасының басқа да нормативтік-құқықтық актілеріне сәйкес, тиісті уәкілеттіліктерге ие.

8. Бөлімді Қазақстан Республикасы заңнамасымен бекітілген тәртіп бойынша лауазымға тағайындалатын және лауазымнан босатылатын бөлім басшысы басқарады.

9. Бөлім тікелей басқарма басшысының жетекшілік ететін орынбасарына бағынады, сондай-ақ басқарма басшысына бұйрықтар мен тапсырмаларды орындайды.

10. Бөлімнің басшысы бөлімнің жалпы жетекшілік жұмыстарын атқарады, бөлімге жүктелген тапсырмалардың орындалуын және олардың жүзеге асырылуын жеке өз мойнына алады.

11. Бөлім басшысы Басқарма жетекшісіне бөлімнің құрылымдық және штаттық кестесі бойынша ұсыныстар жасайды.

12. Осы мақсатта бөлім басшысы:

- 1) бөлім мамандарының міндеттері мен уәкілеттіліктерін анықтайды;
- 2) Қазақстан Республикасы Заңнамаларына сәйкес басқа да уәкілеттіліктерді жүзеге асырады.

13. Бөлім күзіретіне кіретін сұрақтар бойынша бөлімнің атынан басқа бөлімдерге жіберілген құжаттарға бөлім басшысы қол қояды. Бөлім басшысы жоқ болған жағдайда, құжаттарға басшының міндетін атқарушы қол қояды.